



Brev dato: 03-12-2025

Inatsisartunut ilaasortaq
Pele Broberg, Naleraq

Postboks 1614
3900 Nuuk
Tlf. (+299) 34 50 00
E-mail: nap@nanoq.gl
www.naalakkersuisut.gl

Naalakkersuisut NATO-mi qullersat 2025-mi ataatsimiinneranni peqataanerat pillugu § 37 naapertorlugu apeqqut nr. 89-mut akissut

Asasara Pele Broberg

Ulloq 30. Juni 2025 Inatsisartut Suleriaasianni § 37, imm. 1 naapertorlugu Naalakkersuisunut apeqquteqarputit. Apeqqutit uannut akineqartussanngorlugit innersuunneqarput.

1. NATO-p ataatsimeersuarneranut Naalakkersuisoq ataasiinnarluunniit peqataanngimmat paaserusunnarpoq Danmark-ip, USA-p, allalluunniit peqataannginnissamut kaammattuuteqarsimanersut, taamaanngippallu peqataaffigineqarnissaata pingaartinneqarsimannginneranut suna tunngavilersuutigineqarpa? Periarfissaqannginnerassagaanni taava pingaarnersuinermini sooq pingaannginnertut inissinneqarsimaneranut nassuiaatigeqquneqarpoq.

Akissut: NATO-mi qullersat 2025-mi Haagimi ataatsimiinneranni Naalakkersuisut peqataanissamut qaaqquisissummik tigusaqanngillat. Statsministeri Mette Frederiksenip, udenrigsministeri Lars Løkke Rasmussenip forsvarsministerilu Troels Lund Poulsenip Kunneqarfik Danmark sinnerlugu politikikkut NATO-mi qullersat ataatsimiinneranni peqataapput.

2. NATO ataatsimeersuarnerata ulluini Nunanut Allanut Ilisimatusarnermullu Naalakkersuisoq Vivian Motzfeldt (Siumut), Naalakkersuisut ullorsiutaanni tamanit takuneqarsinnaasuni ulluni taakkunani sumilluunniit pilersaaruteqanngilaq. Taamaakkaluartoq tusagassiorfimmi Sermitsiaq.AG-mi imatut nassuiaateqartoqarsimavoq "naalakkersuisoqarfimmit ilisimatitsissutigineqarpoq Vivian Motzfeldt peqataasinnaajunnaarsimasoq piffissaliussat akimmiffeqartitsineri pissutigalugit"1. Naalakkersuisoq pineqartoq, Naalakkersuisullu allat tamavimmik, ulluni taakkunani sumiippat suullu ingerlassamaarlugit pilersaaruteqarpat? Maluginiaqquneqarpoq Naalakkersuisut tamavimmik ullorsiutiminni susassaqqanngitsutut allassinneqartut.

Akissut: Apeqqut 1-p akineqarnerani nassuiarneqartutut Nunanut allanut Ilisimatusarnermullu Naalakkersuisoq 2025-mi NATO-mi qullersat ataatsimiinnerpiaannut peqataanissamut qaaqquisissummik tigusaqanngilaq. Pisortatigoortumik pilersaarutip iluani issittumi iligiit politikikkut ataatsimeeqatigiinnissaannik periarfissaq misissorneqarpoq, illuatungeriilli piffissatigut unammillerneqartoqartitsinerat pissutigalugu tamanna pinsinnaanngitsoq paasineqarsivoq.

3. NATO ataatsimeersuarnerani Danmark-ip Naalakkersuisuisa Kalaallit Nunaat eqqartorpaat?

Akissut: NATO-mi qullersat 2025-mi ataatsimiinneranni Kalaallit Nunaata oqaluuserineqarnera pillugu paasissutissanik Naalakkersuisut saqqummiussiffigineqanngillat.

Inussiarnersumik inuulluaqqusillunga


Vivian Motzfeldt